

СЛУЖБА И ЯКЯФИСТ  
ПРЕСВАТОЙ БОГОРОДИЦЕ  
В ЧЕСТЬ ИКОНЫ ВА ДОНСКИА





**СЛУЖБА И ЯКЯФИСТ**  
**Пресвятой Богородице**  
**в честь иконы Ея Донския**



Донской ставропигиальный мужской монастырь  
УКИНО «Духовное преображение»  
Москва 2012

УДК 27-5  
ББК 86.37

По благословению  
Наместника Донского ставропигиального  
мужского монастыря  
Епископа Ставропольского и Невинномысского  
КИРИЛЛА

Рекомендовано к публикации  
Издательским Советом  
Русской Православной Церкви  
ИС 12-202-0199

Служба и Акафист Пресвятой Богородице в честь иконы Ея  
Донския. — М.: УКИНО «Духовное преображение», 2012. — 64 с.

ISBN 5-87966-090-7

© Донской ставропигиальный мужской монастырь  
© УКИНО «Духовное преображение»



# СЛУЖБА И ЯКЯФИСТ

**Пресвятей Богородице  
в день празднества чудотворней Ея  
иконе именуемой Донская  
(Месяца августа 19 дня)**

**НА ВЕЛИЦЕЙ ВЕЧЕРНИ**

**Блажен муж: 1-й антифён.**

**На Господи, возвах: стихиры, глас 1:**

**Приидите, верных собори,/ преславное  
избавление града Москвы воспряднуем,/**  
се бо полчища вражеская,/ яко потоцы во-  
ды быстротекущая,/ на прилежащая вёси  
устремйшася,/ и множество добрых вои-  
нов/ души своя положиша./ О, чудо пре-  
славное,/ о, сила молитвы Богоматере!/ Те-  
чение неукротимое иконою преграждается/  
и в бегство обращается,/ людие сия видеша,/  
радостию исполнишася/ и вопияху Бого-  
родице:/ радуйся, победа непобедимая.

**В**еселѣтся днесь свѣтло/ слáвнейшій град  
Москва/ и обѣтель Твоя, Богородице,/ ꙗко  
чудотворную икону Твою/ тамо прослáвила  
еси/ чудесы Божественными,/ заступлѣние  
Твое держáвное ёю показáвши/ и агáря-  
ны победѣвши,/ да вси благодарствен-  
но вопиѣм Ти:/ рáдуйся, Благодáтная, Госпóдь  
с Тобóю/ и Тобóю с нáми во спасѣние душ  
нáших.

**Д**ѣйна делá Твоя, Гóсподи,/ Пречѣистую  
Мáтерь Твою цѣркви даровáл еси:/ без-  
помóщным скóрую Послúшницу,/ безза-  
щѣтным Избáвительницу крѣпкую,/ без-  
зотвѣтным тёплое ходáтайство,/ пристáни-  
ще обуреваемым,/ погѣбшим взыскáние,/  
предстоящи бо Тебѣ, всех Влады́це,/ мо́лится  
непрестáнно о всех нас.

**Д**ѣвное велѣ́ние Твое исповѣ́мы,/ Пресвя-  
тáя Дѣво:/ взóру вѣры предсто́иши,/ ꙗко горá  
величáйшая добродѣтелей,/ лучáми Сóлн-  
ца Прáвды, Христа, озарѣнная,/ чистото́ю  
дѣвства прѣсно блиста́ющая,/ живонóсную  
вóду благодáти Свята́го Дúха/ преизобѣль-



но излива́ющая/ на всех, с ве́рою и лю-  
бо́вию/ к Тебе́ притека́ющих.

**Сла́ва, и ны́не, глас 4:**

Гряди́, гряди́, Богоро́дице,/ избавле́ние  
нося́щи от сопроти́вных,/ Воево́да еси́  
полку́ святите́лей,/ я́ко Тобо́ю Сы́на Бо́жия  
позна́хом,/ Воево́да еси́ полку́ му́чеников,/  
я́ко пред Кресто́м стоя́вшая,/ Тебе́ же Само́й  
ору́жие се́рдце про́йде,/ Воево́да еси́ пол-  
ку́ преподо́бных,/ я́ко Присноде́ва, чис-  
тото́ю А́нгелы превозше́дшая,/ те́мже и нас  
защити́,/ еди́на Засту́пнице Преблагосло-  
ве́нная.

**Вход. Прокімен дне и чтѣнія  
Богородичная.**

**Бытія чтѣніе**  
(глава́ 28):

**И**зы́де Иа́ков от студенца́ кля́твеннаго  
и іде в Харра́нь. И обрѣте́ ме́сто, и спа-  
та́мо, за́йде бо со́лнце; и взят от ка́мения  
ме́ста того́, и положи́ возгла́вие себе́, и спа-

на мѣсте ономъ, и сонъ ви́де: и се лѣствица  
утверждѣна на землѣ, еяже глава́ досяза́ше  
до небѣсъ, и Ангели Божіи восхожда́ху и  
низхожда́ху по ней. Господь же утверж-  
да́шеся на ней и рече́: Азъ Богъ Авраа́мов,  
отца́ твоего́, и Богъ Исаа́ковъ, не бойся:  
земля́, иде́же ты спи́ши на ней, тебѣ дамъ  
ю́ и се́мени твоему́. И бу́дет се́мя твое́,  
яко́ песокъ земный, и распростра́нѣтъ на  
мо́ре, и ли́ву, и се́веръ, и на восто́ки, и воз-  
благословѣ́тъся о тебѣ́ вся ко́лена земна́я и о  
се́мени твоёмъ. И се Азъ съ тобо́ю, сохра́няѣи  
тъ на вся́комъ пу́ти, а́може а́ще по́йдешѣ,  
и возвра́щу тѣя въ зе́млю сию́, яко́ не ѣмамъ  
тебѣ́ оста́вити, до́ндеже сотвори́ти Ми́ вся,  
е́лика глаго́лахъ тебѣ́. И воста́ Иа́ковъ от сна  
своего́, и рече́: яко́ есть Госпо́дь на мѣсте  
семъ, азъ же не ве́дехъ. И убо́яся, и рече́: яко́  
стра́шно мѣсто́ сѣе́, несть сѣе́, но домъ Божій,  
и сѣя́ врата́ Небѣ́сная.

## **Пророчества Иезекиилева чтение**

(главы 43 и 44):

**Т**ако глаголет Господь: будет от дне осмаго и прочее, сотворят иереи на олтари всесожжения вашего и яже спасения вашего, и прииму вы, глаголет Адонай Господь. И обрати мя на путь врат святых внешних, зрящих на востоки, и сия бяху затворена. И рече Господь ко мне: врата сия затворена будут и не отверзутся, и никтоже пройдет сквозе их, яко Господь Бог Израилев пройдет ими, и будут затворена. Яко игумен сядет в них снести хлеб: по пути еламских врат внидет и по пути его изыдет. И введе мя по пути врат святых, сущих к северу, прямо храму, и видех, и се исполнь славы храм Господень.

## **Притчей чтение (глава 9):**

**П**ремудрость созда себе дом и утверди столпов семь. Закла своя жертвенная, и растворил в чаши своей вино, и уготова



свою трапéзу. Послá своя рабы́, созывáю-  
щи с вы́соким проповéданием на чáшу,  
глагóлющи: ѿже есть безúмен, да уклонít-  
ся ко мне. И трéбующим умá речé: при-  
идíte, ядíte мой хлеб и пійте вино́, ёже  
растворíх вам. Остáвите безúмие, и жи́ви  
бúдете, и взыщíte рáзума, да поживетé, и  
исправíte рáзум в вéдении. Наказúяй злы́я,  
при́имет себé безчéстие, обличáяй же нече-  
стíваго, опорóчит себé. Обличéние бо не-  
честíвому — рáны е́мý. Не обличáй злых,  
да не возненавídят тебé, обличáй премúдра,  
и возлю́бит тя. Дажь премúдрому винú,  
и премúдрший бúдет, сказúй прáведному,  
и приложít приимáти. Начáло премúд-  
рости — страх Госпóдень, и совéт святýх —  
рáзум. Разумéти бо закóн пóмысла есть  
благáго: сим бо óбразом мно́гое поживéши  
врéмя, и приложáтся тебé лéта животá.

### **На литии стихíры, глас 2:**

**О**суждéния избáви, Пресвятáя Богоне-  
вéсто,/ и лю́тых прегрешéний/ смирénную

мою́ ду́шу,/ и смѣрти измені́ моли́твами  
Тво́ими,/ и да́руй оправда́ние получи́ти  
в день испытáния,/ е́же получи́ша святы́х  
собо́ри;/ покая́нием очище́на мя прѣ́жде  
конца́ покажи́/ и слѣ́зными излия́нии.

**С**лѣ́зы покая́ния,/ я́ко міро́ многоце́н-  
ное,/ в чи́стый плат со тща́нием собира́е-  
ши, Засту́пнице,/ да егда́ Стра́шному Суду́  
грѣшная ду́ша предста́нет,/ плат сей, сле-  
за́ми испо́лненный,/ на весы́ Бо́жия пра-  
восу́дія возложи́ши,/ да не иму́щей, чим  
грехи́ покры́ти,/ милосѣ́рдие Бо́жие при-  
клони́ши/ и а́дския му́ки моле́нием крѣ́п-  
ким свободи́ши,/ ка́ющихся прибе́жище.

### **Сла́ва, и ны́не, глас то́йже:**

**С**лезáми ра́дости па́че же́мчуга/ ико́на  
Твоя́, Де́во, украша́ется,/ мно́жество пла́чу-  
щих неча́янную ра́дость обрета́ют,/ грѣш-  
ницы от внеза́пныя смѣрти избавля́ются,/ моли́твами Тво́ими, Всеще́драя.

## На стихóвне стихи́ры, глас 8:

**С**ла́вное ико́ны Твоея́ на по́ле бра́ни  
прише́ствие,/ Богоро́дице Непоро́чная,  
песносло́вим здесь/ и Твое́ державное нам  
заступле́ние/ от наше́ствия агáрян досто́й-  
но пра́зднуем,/ я́ко бо Ма́ти су́щи Живо-  
та́,/ от на́прасныя сме́рти непови́нных из-  
ба́вила еси́/ и гра́ды и ве́си от огня́ и мечá  
сохрани́ла еси́,/ Путево́дительнице Не-  
ло́жная на́шего спасе́ния.

**Стих:** Помяну́ и́мя Твое́/ во вся́ком  
ро́де и ро́де.

**О**, пресла́внаго чудесе́!/ О, боже́ственна-  
го к нам, грéшным, долготерпе́ния,/ я́ко,  
наше́дшим на зе́млю на́шу лю́тым враго́м /  
и ве́ре zeló поругáемей,/ непостижи́мое  
возме́здие от ико́ны соверша́ется./ Зри́те  
у́бо, лю́дие росси́йстии,/ коли́ко мо́жет  
моли́тва Де́вы Пречи́стыя,/ ка́ко дре́вних  
чуде́с подо́бие днесь нам явля́ется,/ ка́ко  
страх сме́рти на враги́ обраща́ется,/ без-  
защи́тный же град, во́пли жен оглаша́е-  
мый,/ весе́лием и ра́достию внеза́пу ис-



полняется./ Сла́ва Тебе́, Засту́пнице на́ша  
Благáя и Ско́рая.

**Стих:** Слы́ши, Дщи, и виждь,/ и прикло-  
ни́ у́хо Твое́.

**Ч**то Тя наречём, Пречы́стая?/ Ре́ку ли тѣху  
и многово́дну,/ я́ко скорбьми́ изсуше́н-  
ная серде́ца на́ша/ благода́тию напáяеши?/  
Стѣну ли необо́риму Христо́вы Це́ркве,/  
стра́жа ли гра́да неусы́пна,/ я́ко спаса́еши  
от враг ви́димых и неви́димых?/ Те́мже, от  
напа́стей внеза́пных избавля́емии,/ возо-  
пийм Влады́чице:/ ра́дуйся, Всеми́лости-  
вая,/ наде́жды ве́рных не посрамля́ющая.

### **Сла́ва, и ны́не, глас 4:**

**П**ресла́вная днесь соверша́ются,/ Взбра́н-  
ная Воево́да и Цари́ца Небе́сная/ грядёт  
Сама́ на супоста́ты/ и чудотво́рную ико́ну,  
я́ко щит несокруши́м,/ проти́ву злочес-  
ти́вых поставля́ет,/ стра́хом ве́лиим и смя-  
те́нием по́лчища вра́жия поража́ет,/ в бе́г-  
ство неудо́ержимое обраща́ет,/ спаса́ющи  
от огня́ и лю́тых град и ча́да Своя́.

### Тропа́рь, глас 4:

**З**асту́пнице ве́рных Преблага́я и Ско́рая,/ Пречи́стая Богоро́дице Де́во!/ Мо́лим Тя пред святы́м и чудотво́рным о́бразом Твои́м,/ да я́коже дре́вле от него́ заступле́ние Твое́/ гра́ду Москвѣ дарова́ла еси́,/ та́ко и ны́не нас от всяких бед и напа́стей ми́лостивно изба́ви/ и спаси́ ду́ши на́ша, я́ко Милосе́рдая.

## НА УТРЕНИ

**На Бог Господь: тропари по уставу.**

**По 1-м стихословии седален, глас 1:**

**Т**воего́ милосе́рдия сподо́бившися, Бого́ро́дице Де́во,/ благода́рственная Тебе́ прино́сим,/ зра́ку Пречи́стаго лица́ Твоего́ моля́щися и дави́дски вопию́ще:/ Ты еси́ гора́ усyreнная и колесни́ца Божество́нная,/ нося́щая Спа́са душ на́ших.

**Сла́ва, и ны́не, пра́здника.**

**По 2-м стихосло́вии седа́лен, глас 4:**

**Б**е́здну благоутро́бия ро́ждшая, Де́во,/ истóчник ми́лости нам источа́еши, к Тебе́ ве́рою прибега́ющим,/ яви́лася бо еси́ спасе́ние душ на́ших.

**Сла́ва, и ны́не, пра́здника.**

**Велича́ние:**

**В**елича́ем Тя,/ Пресвята́я Де́во,/ и чтим о́браз Твой святы́й,/ и́мже дивную побе́ду на ага́ряны/ правосла́вным дарова́ла еси́.

**И́но велича́ние:**

**В**елича́ем Тя,/ Пресвята́я Де́во,/ и чтим о́браз Твой святы́й,/ и́мже заступле́ние дивное/ гра́ду Твоему́ дарова́ла еси́ .

**По полиеле́и седа́лен, глас 1:**

**Р**а́дуйся, Благода́тная Богоро́дице Де́во,/ предста́тельство и прибе́жище ро́да хри-



сти́анскаго,/ из Тебе́ возсия́ Со́лнце пра́в-  
ды, Христос́ Бог наш,/ и веселится́ богохра-  
ни́мый град Москв́а,/ восприе́м чудо-  
тво́рную Твою́ ико́ну и Преве́чнаго Тво-  
его́ Младенца́,/ подаю́щаго нам ве́лию  
ми́лость.

**Сла́ва, и ны́не, пра́здника.**

**Та́же степе́нна, 1-й антифо́н 4-го гла-  
са. Прокі́мен глас 4:**

**Помяну́ я́мя Твое́/ во вся́ком ро́де и ро́де.**

**Стих:** Слы́ши, Дщи, и виждь, и приклони́  
у́хо Твое́.

**Вся́кое дыха́ние: Ева́нгелие от Луки́, за-  
ча́ло 4.**

**По 50-м псалме́ стихи́ра, глас 6:**

**Зна́мение победное́ ви́девши,/ восхва́лим**  
Возбра́нную Го́рних Сил Воево́ду,/ Все-  
мо́щную Засту́пницу./ О́браз Твой чу́дный  
чтим, Пресвята́я Де́во,/ я́мже ско́рое за-  
ступле́ние Твое́ получа́ем,/ Покро́в бо еси́  
наш,/ дивну́ю си́лу о́наго издре́вле ве́дущи,/

ѣмя Твое призываем./ Приидѣте, вси вѣр-  
нии,/ поклонѣмся образу Донскѣя Божѣя  
Матере,/ град бо наш от огня и меча защи-  
щает./ Возблагодарим же и Владыку Госпо-  
да и Честному Кресту Его поклонѣмся,/  
Сим бо побеждаем враги наша,/ зле нам  
досаждающия.

### **Канѣн, глас 4:**

#### **Песнь 1**

**Ирмос:** Отвѣрзу уста моя,/ и напѣлнятся  
Духа,/ и слово отрѣгну Царице Матери,/ и  
явлюся,/ свѣтло торжествую, и воспою,  
радуясь, Той чудеса.

**Отвѣрзи** слух мой, Богоизбранная Дѣво,/ во  
ѣже разумѣти словеса откровѣния и по-  
знати путь спасѣния,/ да вѣру иму твердую  
Избавителю Богу/ и воспою предивное Его о  
нас промышлѣние.

**Отвѣрзи**, душе моя, очи вѣры,/ и узри-  
ши многая благодеяния Божѣя Мате-  
ре,/ во дни тяжких обстояний отѣчеству  
нашему издрѣвле являемая,/ и воспой,

ра́дующися, мѣлостивое Тоя́ заступлѣние.

**Н**емощныхъ здравіе, разсла́бленныхъ исцѣлѣние,/ обѣдимыхъ защищѣние, от насѣлія и злѣбы спасѣние,/ скорбныхъ в нѣждахъ Помощнице,/ не перестай моли́тися о чтѣщихъ Тя.

**П**ознай, душѣ моя, силу Честнаго и Животворящаго Креста́ Господня,/ симъ бо прѣсно побеждаемъ полки́ врагъ вѣдимыхъ и невѣдимыхъ,/ моли́твами Богородицы и всехъ святыхъ, в землѣ Россійстей просіявшихъ.

**Слава:** Грозное Божественное прещѣние вразѣ разумѣша/ пришествіемъ чудотворнаго образа Твоего, Небесная Царице,/ страхомъ бо одержимии, в бѣгство внезапное обрати́шася,/ силою свѣше гонимии.

**И нынѣ:** Гласъ хвалы́ и благодарѣнія приносимъ Ти, Владычице,/ и покланяемся пречѣстному образу Твоему́,/ ѣмже многажды на агаряны побѣду даровала еси́ и рогъ нашъ вознесла еси́,/ Защитнице скорая́ рода христіанскаго.



### Песнь 3

**Ирмос:** Твоя песнословцы, Богородице,/ живый и независтный Источник,/ лик себе совокupльшия, духовно утверди,/ в Божественней Твоей славе,/ венцев славы сподоби.

**Ж**итейскими попечении и сладостми искушаеми,/ Тебе, источнику тишины и богомыслия, песни приносим:/ утоли жажду духовную,/ ум наш к Небу возведи, превышшая Горних Сил.

**У**ма моего просвещение, воли слабыя укрепление,/ сердца унылаго радование Ты еси, Препоблагословенная,/ молю Тя усердно:/ вся силы души моей обнови.

**С**лава Тебе, Всенепорочная,/ любящим Тя девам неотъемлемое сокровище,/ целомудрия источник, Небесныя сладости откровение,/ уныния и печали истребление,/ смиренных и боголюбцев венчание и поственников уобрение.

**И**згладь грехопадения юности,/ прими ми покаяние старости моей, Царице Не-

бѣсная,/ се бо от чрева матери моея даже  
доныне враг не отступает,/ не попусти мя  
творити похоти его,/ но узы греховныя  
разрешѣи и помилуй мя.

**Слѡва:** Како умолю Тя, Богоневѣсто, усты,  
злослѡвия исполненными,/ или кую песнь  
вознесу, совѣстию обличаемъ?/ Возмогу ли  
познати истину, лжи сослужитель, сосуд  
гнѣва Божия сый?/ Но, Жизнедательнице,  
страстьми умерщвленную душу мою оживи.

**И ныне:** Врагу лютому подступающе,/  
многое множество старцев и жен прости-  
рают Ти немошней руке с воплем креп-  
ким:/ прииди, Мати Милосердия,/ прииди,  
от лютыя смерти избавляющая,/ ускорѣ  
спасти град и люди Твоя.

### **Седален, глас 8:**

**Блажим** Тя, вси роди, Богородице Дѣво,/  
в Тя бо Невместимый Христос Бог наш вме-  
ститися благоволи,/ день бо и ночь моли-  
шися о нас, и роди христианстии Твоими

молѣтвами утверждаются./ Тем воспевающе,  
вопиѣм Ти:/ ра́дуйся, Благода́тная, Госпо́дь с  
Тобо́ю.

## Песнь 4

**Ирмо́с:** Седя́й в сла́ве на Престо́ле Боже-  
ства/ во о́блаце ле́гце,/ при́иде Иису́с Пре-  
боже́ственный,/ Нетле́нною Дла́нию, и  
спасе́ зову́щия:/ сла́ва, Христэ́, си́ле Твое́й.

**О**, вели́кая си́ла слез! О, незло́бие Вла-  
ды́ки!/ За мене́, па́дшаго, Сам стра́ждет!/ Ты же, Богома́ти, у Креста́ Сы́на Своего́  
стоя́вшая,/ неизсле́дную глубинú Бо́жия  
снизхожде́ния нам покажи́/ и неосуж-  
де́нно причасті́тися святы́х и стра́шных  
Та́ин сподо́би.

**Ма́ти** ча́да злонра́вного побежда́ется сер-  
добо́лием/ и не мо́жет его́ презре́ти,/ те́мже  
па́че Ты, Благоутро́бная,/ преукраше́нное  
жили́ще Бо́жия снизхожде́ния,/ мене́, по-  
сле́днейшаго, не оставля́еши/ и друг дру́га  
тяготы́ носі́ти нас навча́еши.

**Облиста́й** мя све́том Боже́ственного ли́ка



Твоего, Отрадо моя Пречистая,/ да нош-  
ная вознесу Ти моления,/ услыши возды-  
хания немолчная/ и памятию смертною от  
прелести греха спаси.

**Плачет** старость моя, лишися бо сынов и  
дщерей,/ несть опоры в жизни одиноцей,/ но  
буди мне столп и крепость, освобождение  
печалей, Благая Утешительнице,/ и до кон-  
ца дней моих сохрани мя от зла.

**Слава:** Неизреченною силою благодати  
возбрани скверным помыслом,/ обуре-  
вающим мя, Дево Чистая,/ запрети им, и да-  
лече отгони,/ и Божественных песнопений  
делателя мя сотвори,/ да неленостно послу-  
жу Богу моему.

**И ныне:** Воинств благопоспешение,  
борцов мужество,/ храбрых споборнице,  
Воеводо Возбранная,/ молим Тя крепость  
оружию нашему даровати, да низложе-  
ны будут востающие на ны,/ Тобою бо  
победы воздвигнутся.

## Песнь 5

**Ирмós:** Ужасóшася всяческая/ о Божественней слáве Твоёй,/ Ты бо Неискусобра́чная Дéво,/ имéла есѣ во утрóбе над всéми Бóга/ и родилá есѣ Безлётнаго Сы́на,/ всем воспева́ющим Тя,/ мир подава́ющая.

**П**рамáти Ёва, в раю́ согрешѣвши,/ мук рождéния содéла мя причáстна,/ но Ты, Благодáтная, неболéзненно Христа́ рóждашая,/ чадорóдия рáди дúшу мою́ спасѣ.

**Я**ко цвет сéльный, явѣся чáдо моё в мир скорбѣй/ и дыхáнием смёрти ужé опалѣся,/ но по слóву Госпóдню воспóю:/ блажéнно дётство, ѣбо Цáрство Небéсное наслéдит,/ Ты же, Влады́чице, прекращéние воздыхáний,/ Самá, я́коже вéси, скорбь мою́ облегчи́.

**О**чи Твоѣ свётлеи с любóвию на нѣщих призира́ют,/ и рука́ всегда́ сиротáм и вдови́цам простёрта,/ слáвим неусы́пное о них ходáтайство/ и, óбраз Твой честный лобыза́юще, прóсим:/ не отврати́ лица Твоегó от нас, в нúжде ожесточённых.

**Т**айны грех моих обличёние ужасает мя,  
Пречистая,/ но ничтоже возможно утаить  
от Всевидящаго Ока,/ се прибегаю к Твое-  
му милосердию,/ даждь ми силу к пока-  
янию и Твоими молитвами покрый мою  
наготу.

**Слава:** Гнев, ревнование и злоба в души  
моей гордей и тщеславней гнездятся,/ сам  
падаю и падших осуждати дерзаю,/ к Тебе  
прибегох, обуреваемых Спасительнице,/  
страстей моих смрадное море изсуши.

**И ныне:** Ужасает мя день Суда Божия,/  
Господу бо ведома вся помышления,/ не  
надеюся на добрая дела моя, несть бо тех  
у мене,/ но прошу молитв Твоих, греш-  
ных Споручнице.

## **Песнь 6**

**Ирмос:** Божественное сие и всечестное/  
совершающе празднество,/ богомудрии,  
Богоматере, приидите, руками восплещим,/  
от Нея рождающегося Бога славим.

**О**каянную мою душу, влекомую лукавыми



страстьми,/ свободи из плéна, пáдших во-  
стáние,/ рáдуется бо Влады́ка Твоему́ о  
грéшных предстáтельству,/ прошéния Твоя́,  
я́ко Сын, исполня́й.

**В**оздыхáния тяжкая слы́шиши, Пребла-  
гословéнная,/ скорбь сéрдца моего́ веду-  
щи,/ мiро утешéния и вино́ весéлия воз-  
лéй на рáны душéвныя,/ мрак уны́ния  
прогоня́ющи.

**П**омышля́ю труды́ подви́жников:/ пост  
непрестáнный, слéзы сокрушéния, мо-  
ли́твы всенóщныя,/ послушáние нелице-  
мёрное, терпéние поношéний,/ ужасáюся,  
Мáти Судий Прáведнаго, моему́ нера-  
дéнию о спасéнии,/ от сна безчúвствия мя  
пробуди́.

**С**úщии во áде не мóгут Гóспода молíти,/   
Ты же, Всемóщная Предстáтельница, я́ко  
Мáти, дерзновéние к Сы́ну имаши,/ мо́лим  
Тя о срóдницах наших и всех престáвль-  
шихся,/ испроси́ им грехóв разрешéние.

**Слáва:** **В** смéртный час слы́шу глас Гóспо-  
да, прорóком вещáющ:/ предостáви Ми чад

твоих,/ Аз поддержу и препитаю сирых твоих./ И Ты, Мати Божия, буди чадом моим прибежище в день скорби.

**И ныне:** На поли брани смерть царствует,/ Ты же, Владычице, верным воином молитвою матери жизнь сохраняеши,/ убиенных же души в Царство света незаходямаго вселяеши/ и тако от вечныя смерти избавляеши.

### **Кондак, глас 8:**

**Взбранной** Воеводе победительная,/ яко избавльшися от злых,/ благодарственная восписуем Ти, раби Твои, Богородице,/ но яко имущая державу непобедимую,/ от всяких нас бед свободи, да зовем Ти:/ радуйся, Невесто Неневестная.

### **Икос:**

**А**нгел Предстатель с Небес послан бысть рещи Богородице: радуйся!/ И, со безплотным гласом воплощаема Тя зря, Господи,

ужасáшеся,/ и стояше, зовый к Ней та-  
ковáя:/ рáдуйся, Ёюже рáдость возсияет;/  
рáдуйся, Ёюже клятва исчéзнет./ Рáдуйся,  
пáдшаго Адáма воззвáние;/ рáдуйся, слез  
Ёвиных избавлénие./ Рáдуйся, высотó, не-  
удобовосходима́я челове́ческими помы-  
лы;/ рáдуйся, глубино́, неудобозрима́я и а́н-  
гельскима очима́./ Рáдуйся, я́ко еси́ Царéво  
седалище;/ рáдуйся, я́ко но́сиши Носяща-  
го вся./ Рáдуйся, звездó, явля́ющая Со́лн-  
це;/ рáдуйся, утробó Божéственного вопло-  
щёния./ Рáдуйся, Ёюже обновляется тварь;/  
рáдуйся, Ёюже поклáняемся Творцу́./  
Рáдуйся, Невéсто Неневéстная.

## Песнь 7

**Ирмо́с:** Не послужи́ша тва́ри Бого-  
му́дрии/ па́че Созда́вшего,/ но, о́гненное  
прещéние му́жески попра́вше,/ рáдоваху-  
ся, пою́ще:/ препéтый отцéв Госпóдь и Бог,  
благословéн еси́.

**А́ще** вся вéси, Бо́га же не вéси, ничто́же  
вéси, и́щущим му́дрости вити́я возвещáет./



О Мати Божия!/ Неизслѣдимая глубина  
Божіих откровѣній Тобою явися,/ про-  
свети мой ум, во еже Господа Искупителя  
познати,/ Бога отецъ нашихъ.

**Ч**его ради оскверняются путиѣ грѣшника?/  
Отвѣщаетъ пророкъ Давидъ:/ того ради,  
яко несть Бога предъ нимъ./ Открой очи мои  
омраченней, Чистая,/ да познаю вездесущіе  
Творца всѣческихъ,/ Бога отецъ нашихъ.

**В**ѣжду покаяніе Давидово:/ во врѣтище  
облекается, душу постомъ смиряетъ,/ питіе  
плѣчемъ покаянія растворяетъ,/ полунощи  
встаѣтъ на молитву,/ моя же молитва Богомъ  
отвергается,/ понеже не являю трудовъ, ни  
подвиговъ,/ имже мя, Благодѣтельная, научи.

**Н**ебесныхъ Сил Царице,/ разсей обла-  
ки печали, смятенія и бурю помысловъ  
укротѣ,/ даруй ми духъ сокрушенія и сми-  
ренія,/ да из глубины сердца моего при-  
несу чистую молитву Богу отецъ нашихъ.

**Слѣва:** Сердце услаждается, егда благодать  
Твоя является/ мир, умиленіе и слѣзы раж-  
даются,/ о Дѣво, радости моя неизречен-

ная,/ не презри мя, ожесточённого,/ но  
Самá посети, да мук томлѣния избáвит мя  
Бог отецъ нáших.

**И ны́не:** Никто́же избáвит мя от смѣрти,/   
ни родите́лие, ни ча́да,/ не спасёт дар, ниже́  
приноше́ние,/ зна́емии провóдят то́кмо до  
гроба,/ греси́ же мои́ оста́нутся,/ услы́ши,  
Милосѣрдая, вопль мой,/ да спасёт мя огня́  
вѣчнаго Бог отецъ нáших.

## Песнь 8

**Ирмо́с:** О́троки благочестѣ́выя в пещи́/  
Рождество́ Богороди́чо спасло́ есть;/ тогда́  
у́бо образу́емое,/ ны́не же де́йствуемое,/   
вселѣ́нную всю воздвизáет пѣти Тебе́:/  
Го́спода по́йте, дела́,/ и превозно́сите Его́  
во вся вѣ́ки.

**Вóз**раст ю́ности и жа́жда наслажде́ния  
плѣня́ют мою́ ду́шу, Благода́тная,/ но к  
вѣ́чному блаже́нству и сла́ве святы́х обрати́  
моя́ помышлѣ́ния,/ да славослóвлю Го́спо-  
да моего́/ и превознесу́ Его́ во вся вѣ́ки.

**Вó**лны невѣ́рія и скорбе́й лю́тых покры́-

ва́ют мою́ ду́шу,/ но слы́шу глас Го́спода,  
глаго́люща:/ мало́вѣрный, почто́ усумни́л-  
ся еси́?/ К Тебѣ прибе́гох, Ма́ти Бо́жия,/   
спаси́ мя и ча́да моя́,/ в Тебѣ бо утверж-  
де́ние ве́ры и́мамы,/ да превозно́сим Го́спо-  
да Творца́ во ве́ки.

**Ч**ревоуто́дию, нечистоте́ служу́ приле́ж-  
но,/ за оби́ды ме́стию воздаю́,/ облича́емь,  
гне́ваюся напрáсно,/ злосло́влю не ока-  
за́вших ми по́мощи, сам же немощны́х  
презираю́,/ о Споручни́це грѣшных, яви́  
долготерпе́ние/ и от греха́ свободи́ мя во  
ве́ки.

**Н**евозмо́жно есть ма́лою слезо́ю вели́кия  
скве́рны омы́ти и огонь ге́енский угаси́ти,/   
о Всеми́лостивая Ма́ти,/ ви́жду ожесто-  
че́ние моё и молю́ся Ти:/ даждь ми слёзы  
покая́ния,/ да убелю́ оде́яние душі́ моея́.

**Б**лагослови́м Отца́ и Сы́на и Свята́го Ду́ха,  
Го́спода.

**С** мо́льбою неотсту́пною, наде́ждою  
кре́пкою припадаю́ Ти, Держа́вная Вла-  
ды́чице: / зри́ши врага́ люта́го прибли-



же́ние,/ услы́ши в слеза́х прите́кших,/ воста́ни ско́ро и, я́ко Благая́, за́щити́,/ да сла́влю Тя, Ма́ти Бо́га моего́, во ве́ки.

**И ны́не:** Плач мой в ра́дость обрати́ и се́тование в весе́лие, Ма́ти Милосе́рдия,/ и го́рдая за́мыслы враг мо́их сокруши́,/ да благослови́Т Тя всяк язы́к и вся́ка плоть отны́не и до ве́ка.

## Песнь 9

**Ирмо́с:** Всяк земноро́дный/ да възгра́ется, Ду́хом просвеща́емь,/ да торжествует же безплóтных умо́в естество́,/ почита́ющее священное торжество́ Богома́тере,/ и да вопи́ет:/ ра́дуйся, Всеблаже́нная Богоро́дице,/ Чи́стая Присноде́во.

При́зри на нищету́ душе́вную и всякую го́речь улади́,/ непосты́дная наде́жда на́ша,/ скорбя́щих ободрение́, пла́чущих ско́рое утешение́,/ неистощи́ма бо сокрови́ща Твоя́/ и, ра́дующися, дае́ши я́ всем, по́мощи тре́бующим.

**Вкусите и ви́дите,** я́ко благ Госпо́дь,/ за лю-

бóвию бо слéдует Гóспода познáние./ О Тра-  
пéзо таинственных даровáний!/ Сподóби  
меня неосуждénно Животворящих Таин  
причащáтися,/ во очищéние грехóв мо́их.

**Пред** ико́ною Твое́ю, зри, Влады́чице,  
житéйское мóре волнúется,/ спаси́ поги-  
бающих в волна́х неvéрия и злóбою ис-  
тощénных,/ волно́ю Твоегó милосéрдия  
изнеси́ на брег спасéния, да зовúт Ти:/  
ра́дуйся, от вéчных смéрти избавлéние.

**С**амомнéнием ослеплén, навько́х укро-  
пяти брáта моего́./ Кáко сообщú свет блíž-  
нему, тьмо́ю лжи покрýт сый?/ Дáруй ми, о  
Мáти свéта, зрéти моя́ прегрешéния/ и  
брáта моего́ согрешéния терпéти и с лю-  
бóвию исправля́ти.

**Слáва:** А́нгел смéрти нападе́ на мя,/ пре-  
зира́ет молéния, пла́чу не внёмлет,/ раз-  
лучáет мя безжа́лостно со ча́ды, влечёт мя  
наси́льно./ О Богомáти, с Сы́ном Твои́м  
крéстныя мýки раздели́вшая,/ ма́тернюю  
скорбь о блížних утоли́.

**И ны́не:** Зéмлю Росси́йскую в достоя́ние

Себе избравшая и утвердившая нас во благочестии,/ под покровом Твоим соблюди, Всепетая,/ образом Твоим честным от всех напастей сохрани, да зовем Ти:/ радуйся, Всемиловитая, в напастех скорая Заступнице.

**Светилен:**

Торжествуем днесь, правовернии, во храме Твоём, Владычице,/ и Ты, Пречистая, прими любовь приносимая Тебе песни благодарственные.

**На хвалитех стихиры, глас 5.**

**Подобен: Радуйся:**

Красуйся, странó Российская,/ радуйся и веселися, граде Москва,/ се бо святая и чудотворная Богоматере икона/ от донских предел чудес зарями возсия/ и бысть нам во спасение от нашествия иноплемённых/ и иных враг, видимых и невидимых, / и от всякия напасти.



**Р**áдуйся, землѣ Россійская,/ торжествуй  
и веселѣйся, всечестный граде Москвѣ,/ се  
образ Богородицы/ с поля брани грядѣт к  
тебѣ,/ се радость победы милостию Божіею  
возвещается,/ тьма убо скорби твоея  
ныне отгоняется,/ людие сладкое приѣм-  
лют утешѣние,/ воспойте, священницы,/  
воспойте пѣсни хвалѣбныя,/ величія Бо-  
гоматере достойныя,/ припадѣм, вѣрнии,  
к Владычице всех,/ да пребудут покров и  
милость Ея над нами во вѣки.

**К**расуйся, златоглавый чудный граде Мо-  
сквѣ,/ радуйся и веселѣйся, обителе Дон-  
ская,/ се бо шествует к тебѣ икона Божия  
Матере,/ руками вѣрных, яко знамение по-  
бѣдное, носима,/ блистаніем зрака Своего  
враги прогоняющи,/ чадом же подающи  
живот и велию милость.

### **Слава, и ныне, глас 2:**

**Г**рядите, христоименити людие,/   
праздник чѣстен составим/ и пѣснями  
радостными воспоѣм Преславную Матерь

Бо́жию,/ я́ко от ико́ны Ея́ святы́я, / нари-  
ца́емая Донскі́я,/ заступле́ние гра́ду Мо-  
сквѣ явѣ́ся,/ те́мже поѣм Тебѣ́, Влады́чице,  
пѣ́сни хвале́бныя,/ я́ко Засту́пнице Рос-  
сѣ́йския земли́/ и Ходата́ице на́шего спа-  
се́ния.

**Славосло́вие вели́кое.**

**Ектений. И отпу́ст.**

**На Литургіи Служба́ вся Богоро́дице.**





# ЯКЯФИСТ

**Пресвятей Владычице нашей Богородице в честь и память чудотворных иконы Ея нарицаемыя Донския**

## Конда́к 1

**Взбра́нной** Воево́де победи́тельная, я́ко изба́вльшеся от злых, благода́рственная воспису́ем Ти раби́ Твои́, Богоро́дице, но, я́ко иму́щая держа́ву непобеди́мую, от всяких нас бед свободи́, да зове́м Ти:

**Ра́дуйся**, Влады́чице, ико́ною Твое́ю Донско́ю в напáстех нам помога́ющая.

## И́кос 1

**Арха́нгела** благове́стие слы́шавши, Пре́чи́стая соизво́ли во́ле Го́спода Своего́ и со смире́нием се́рдца отве́ща: «Се, Раба́ Госпо́дня, бу́ди Мне по глаго́лу твоemú». Мы же, дивя́щеся, ка́ко Сын Бо́жий Сын Де́вы быва́ет, со Гаврии́лом Благода́тную пе́сньми почти́м:



**Р**áдуйся, Отрокови́це, от всех родо́в Бо-  
гоизбра́нная;

**Р**áдуйся, ски́ние, Ду́хом Святы́м осенё-  
ная.

**Р**áдуйся, живонóсная оби́теле Свёта Бо-  
жественнаго;

**Р**áдуйся, Ма́ти Бо́жия, Спа́са ми́ру рожда-  
шая.

**Р**áдуйся, я́ко Тобо́ю, Благода́тная, Не-  
ви́димый нам ви́дим бысть;

**Р**áдуйся, Всепётая, я́ко сотвори́ Ти ве-  
ли́чие Си́льный.

**Р**áдуйся, я́ко прославлéнием ико́н Твои́х  
вели́чие сиé возвещáется;

**Р**áдуйся, благода́ть и ми́лость чудотво́р-  
ными ико́нами Твои́ми нам явля́ющая.

**Р**áдуйся, Влады́чице, ико́ною Твоёю Дон-  
ско́ю в напáстех нам помога́ющая.

## **Конда́к 2**

**В**и́дяще Тя, Богоро́дице, во объяти-  
их Младénца Христа́ держа́щую и главо́ю  
к пречи́стому ли́ку Егó крóтце прини́кшую,

разумеваем божественную любовь Твою и непрестанное о мире ходатайство. В шуйце же держиши плат чистый, еже слезы плачущих скоро осушати, да никтоже от Тебе неутешен изыдет. Веруем, яко имаши велие дерзновение ко благосердию Владыки, и Богу, давшему нам Тебе, Благоую Заступницу, благодарственно поим: **Аллилуия.**

## **Икос 2**

**Р**азум немощный не может постигнуть глубину смиренного служения Твоего, Господже, на земли Искупителю нашему, не имевшему, где главу поклонити. Во дни унижения и страдания Сына Твоего, Богомати, оружие смертное прехоуждаше сердце Твое. Сего ради, сердцем сболезнующе, глаголем Ти таковая:

**Р**адуйся, незлобивая Агнице, вертеп и ясли смиренно приявшая;

**Р**адуйся, Богоприимца Симеона скорбное проречение в сердце начертавшая.

**Р**áдуйся, поношѣнію Сы́на Бóжия со-  
страда́вшая;

**Р**áдуйся, крѣстный путь Его́ слезáми оро-  
сѣвшая.

**Р**áдуйся, мýки Его́ крѣстныя сѣрдцем раз-  
дели́вшая;

**Р**áдуйся, Кресту́ предстояніем послу-  
шáние во́ле Отцá явѣвшая.

**Р**áдуйся, грóбу Сы́на Твоего́ благосѣрдый  
плач принѣсшая;

**Р**áдуйся, Воскресѣніем Его́ обра́дован-  
ная.

**Р**áдуйся, Влады́чице, ико́ною Твое́ю Дон-  
ско́ю в напáстех нам помога́ющая.

### **Конда́к 3**

**С**и́ла Вы́шняго соде́ла Тя, Благода́тная,  
истóчник неоскудева́ющ утешѣнія бѣд-  
ствующим. Мнóги бо скóрби претерпѣв-  
ши, мо́жеши и искуша́емым помощі.  
Людем россі́йским, лю́те стра́ждущим от  
наше́ствия агáрян, благоволи́ла еси́ явѣти  
о́браз Твой в стру́ях реки́ До́на в зна́ме-

ние мѣлости Твоеѣ ко Отѣчеству на́шему, в за́щиту от враг ви́димых и неви́димых, тѣхже по́мощию Бо́жиею побежда́юще, Спасітелю Бо́гу поѣм: **Аллилу́ия.**

### **И́кос 3**

**И**мѹще Тя пѣрвую Подвигополо́жницу, шѣствующую по стопѣм Влады́ки Христа́, мѹжества исполня́хуся первосвяты́телие Москѡвстии и подви́жницы благоче́стия Россійстии, бе́ды и напа́сти претерпева́юще, уча́ще лю́ди дѹхом Го́сподеви рабо́тати, и́бо си́ла Бо́жия в не́мощи соверша́ется. Мы же, ви́дяще ве́ру оте́ц на́ших и явлѣние благода́ти, нра́вы злы́я в до́брыя претворѣ́вша, досто́йно Тя, Нача́вницу ве́рных, ублажа́ем:

**Ра́дуйся,** насажде́ние ве́ры и благоче́стия;

**Ра́дуйся,** образу не́сокруші́мага скорбе́й терпѣ́ния.

**Ра́дуйся,** до́блести и ве́ры бога́тство неисто́щѣмое;

**Ра́дуйся,** дѹха уны́нія и боя́зни отгна́ние.



**Р**áдуйся, дúха рáзума и крéпости стя-  
жание;

**Р**áдуйся, святýх печáльников земл́и Рос-  
с́ийстей возраст́ившая.

**Р**áдуйся, в стру́ях Донсќих чúдно ико́ну  
Твою́ яв́ившая;

**Р**áдуйся, рéки слез нарóдных ёю изсу-  
ш́ившая.

**Р**áдуйся, Влады́чице, ико́ною Твое́ю Дон-  
ско́ю в напáстех нам помога́ющая.

#### **Конда́к 4**

**Б**úря превел́икаго нашéствия агáрянска-  
го потрясé зéмлю Рýсскую, но не возмо́же  
угас́ити пла́мень вéры в покрóв Твой, Бо-  
гомáти Преч́истая. Вел́икий печáльник  
наш преподóбный Сéргий, призв́ав на  
пóмощь Святúю Трóицу и Тя, Влады́чице,  
со упováнием благослов́и Вел́икаго князя  
Димíтрия с дру́жиною в похóд прот́иву  
агáрян и проречé е́му: «Побед́иши враѓи  
твоя́»; тёмже науч́и всех пéти Всес́ильно-  
му Бóгу, в Трóице слáвимому: **Аллилу́ия.**

## Икос 4

**В**идя ико́ну Богома́тере, на по́ле бра́ни от Донскихъ предѣлъ пришѣдшую, и прия́в от рукъ ино́ков послáние Сѣргия преподо́бнаго с напу́тием: «Да помóжет ти Бог и Святáя Богорóдица», — возрáдовася князь Димíтрий, я́ко Самá Влады́чица грядёт на супостáты, и, восприя́нув дýхом, с наде́ждею поведё во́ины своя́ на тьмочисленныя по́лчища и побéду одержá. Ико́на же Твоя́, Влады́чице, молниенóсным блиста́нием зра́ка Твоегó врагí устраша́ющи, залóг побéды явля́ше. Сего́ ра́ди благодарственно и ра́достно поём Ти похва́льная сия́:

**Рáдуйся**, в явлéнии ико́ны Твоея́ лучáми Сóлнца Пра́вды вѣрных осия́вшая;

**Рáдуйся**, Небѣсная Воево́до, Ма́ти Го́спода Сил.

**Рáдуйся**, во́инов-ино́ков на по́двиг рáтный избрáвшая и укрепíвшая;

**Рáдуйся**, Отѣчество на́ше от йга агáрянскаго свободíвшая.

**Р**áдуйся, воином мѹжества неодоли́мага  
дарова́ние;

**Р**áдуйся, врага́ исконнаго грóзное низ-  
верже́ние.

**Р**áдуйся, пресла́вную побéду правосла́вно  
Тя чту́щим дарова́вшая;

**Р**áдуйся, земли́ Ру́сския от вѣка покрóве  
и Помо́щнице.

**Р**áдуйся, Влады́чице, ико́ною Твое́ю Дон-  
ско́ю в напа́стех нам помога́ющая.

### **Конда́к 5**

**Б**огоявлénною звездо́ю возсия́ ико́на Твоя́  
пресвѣтлая, озаря́ющи ўтро бра́ни и возве-  
ща́ющи благослове́ние Бо́жие ратобóрцем,  
на брань жесто́кую с агáряны подви́гшим-  
ся. Весь день той предстоя́ще Сѣргий пре-  
подóбный с бра́тиєю неотсту́пно Престо́лу  
Святы́я Тро́ицы. Вѣчеру уже́ бывшу, по-  
бе́ду ста́рец дѹхом позна́в, о сем ра́достно  
провозгласи́ и благода́рственное пѣние со-  
верши́ Всеще́дрому Бо́гу, призыва́я и нас  
велегла́сно воспѣти Емѹ: **Аллилу́ия.**

## Икос 5

**В**идя очами веры течение битвы и молитвою ратоборцы укрепляя, поименно поминаше преподобный Сѣргий вожди и воины убиенные. Мы же, имуще завет его память о таковых особо творити и видяще силу молитвы, победу оружию приносящая, из глубины сердца воззовем Божией Матери, Всемощней Покровительнице душу свою полагающих за други своя:

**Р**адуйся, воинов непреоборимая Споборнице;

**Р**адуйся, меч гнева Божия смелым вручающая.

**Р**адуйся, из терния злостраданий венец победы соплетаящая;

**Р**адуйся, во бранех силу духа даже до подвига возвышающая.

**Р**адуйся, болящих и ранами уязвленных не оставляющая;

**Р**адуйся, убиенных на поле брани к вечному покою управляющая.



**Р**áдуйся, родíteлей и вдовиц скорбящих  
благодáтное утешéние;

**Р**áдуйся, Воевóдо изрядная, имúщая дер-  
жáву непобедíмую.

**Р**áдуйся, Влады́чице, ико́ною Твое́ю  
Донско́ю в напáстех нам помога́ющая.

### **Конда́к 6**

**П**ровозвёстник спасéния Москв́ы от вне-  
за́пнаго нашествiя агáрянскаго яви́ся об-  
раз Твой, Застúпнице скóрая. Неприятé-  
лем во град вни́ти уже́ гото́вым, с véрою и  
слéзным молéнием обнесóша его́ лю́дие по  
стенáм и стóгнам гра́да и поста́виша по-  
средé во́ев в похóдной цёрковице Сёргия  
преподóбнаго, и, в моли́тве прилежа́ще,  
усёрдно взыва́ху Всеми́лостивому Спáсу:

**Аллилу́ия.**

### **И́кос 6**

**В**озсия́вшу со́лнцу, узрéша стрегúщи  
во́ини, я́ко опустéстан агáрян: но́щию страх  
внеза́пу нападе́ на ня от не́кия véлия сíлы

и, смутившеся, бежаша неудержимо даже за пределы Россійския и вси изгибоша. О Предивная Заступнице наша! Твоими молитвами скорое избавление сие бысть. Да исполнится же древний храм сей, возвысившийся на месте, идеже стояше чудотворный образ Донскій, гласа хвалы сея:

**Р**адуйся, града Москвы страже неусыпаяй;  
**Р**адуйся, миротворца князя Даниила начало величю Москвы положить сподобившая.

**Р**адуйся, молитвами святителей и Сергия преподобнаго град наш ограждающая;

**Р**адуйся, в день скорби плач верных в радость претворяющая.

**Р**адуйся, коварнаго врага внезапным бегством истребившая;

**Р**адуйся, упование на помощь Твою не посрамившая.

**Р**адуйся, свеще неугасимая, веры огонь воспламеняющая;

**Р**адуйся, Благодатная, яко Тобою с нами Бог.

**Р**áдуйся, Влады́чице, ико́ною Тво́ею Донско́ю в напáстех нам помога́ющая.

### **Конда́к 7**

**В**осхотéвши оградíти Русь правосла́вную, Держáвная Покровíteльнице на́ша, мно́гажды ко́зни агáрян и прóчих иноплеме́нник разоря́ше, преде́лы страны́ на́шей храня́щи, и победы́ обильны́я да́же без кро́ве подава́ше. Егда́ же Вели́кую и Ма́лую Росси́ю воссоединíтися благослови́ла еси́, тем си́лу Оте́чества в единéнии наро́да на́шего, в сою́зе любве́ утверди́ла еси́. Благоволи́, о Ма́ти Бо́жия, в ми́ре глубо́цевселéнную сохранíти, Тебе́ бо даде́ся благода́ть всеми́рнаго заступле́ния пред Влады́кою всех, Егóже Во́инства Небе́сная сла́вят, пою́ще Ему́: **Аллилу́ия.**

### **И́кос 7**

**Н**о́ваго стра́жа неусы́пнаго гра́да Москвы́ досто́йно почтíти хотя́ще, собо́рный храм лю́дие благочестíвии в Донсте́й обíтели

сооруди́ша и на стена́х хра́ма воздвиго́ша  
изображе́ние ико́ны Твоея́, Богома́ти, в  
боже́ственное огражде́ние страны́ на́шей,  
яко да оты́нуде находя́щи и врази́ отраже́ни  
бу́дут неотсту́пными моли́твами Твои́ми.  
Тебе́ же, яко су́щей с на́ми, со упова́нием  
глаго́лем:

**Ра́дуйся**, Бо́га Жива́го хра́ме одушевле́н-  
ный;

**Ра́дуйся**, Боголюби́вая, страну́ Росси́й-  
скую достоя́нием Свои́м избра́вшая.

**Ра́дуйся**, но́щных бде́ний и пе́ний мо-  
ле́бных ско́рое слы́шание;

**Ра́дуйся**, ико́ну Твою́, яко зна́мя побед  
неотъе́млемое, дарова́вшая.

**Ра́дуйся**, прекра́щением бра́ней мир и  
ра́дость принося́щая;

**Ра́дуйся**, до́брое приста́нище ду́шам,  
и́щущим спасе́ния.

**Ра́дуйся**, Ма́ти ми́ра, смяте́ний во́лны  
укроща́ющая;

**Ра́дуйся**, гра́да Москвы́ и страны́ на́шей  
Всемо́щная Предста́тельница.



**Р**áдуйся, Влады́чице, ико́ною Твое́ю Донско́ю в напáстех нам помога́ющая.

### **Конда́к 8**

**Р**азсе́яшася ту́чи напáстей моли́твами Твои́ми, Засту́пнице Всеблага́я, те́плая за́ря покая́ния, восходя́щи, предваря́ет то́ки благода́ти, призыва́ющи к по́двигу: ве́ровати пра́во и жи́ти свя́то. Простри́ же покрóв Твой, о Благода́тная Ма́ти, на всех гряду́щих терни́стым, но вожде́ленным путе́м Христо́вых за́поведей, да вси позна́ют, я́ко с на́ми Бог, Ему́ же поём: **Аллилу́ия.**

### **И́кос 8**

**В**есь мир зле стра́ждет грех ра́ди челове́ческих, во зло его́ поверга́ющих. В Тебе́, Ма́ти ро́да христиа́нского, нача́ло о́бщего избавле́ния, исполне́ние всякия доброде́тели. Яви́ же нам, Богому́драя Де́во, в Ева́нгелии Сы́на Твоего́ Свет Божество́нный, да, отве́ргше го́речь греха́, сла́дость благо-

чѣстїа обрѣщемъ, взывѣюще Ти сицевѣя:  
**Р**ѣдуйся, благодѣти живонѡсный истѡч-  
ниче;

**Р**ѣдуйся, тѡюже мїра всего дївное пре-  
ображенїе.

**Р**ѣдуйся, Всеблаженная, ходѣщая в законѣ  
Господни непорѡчно;

**Р**ѣдуйся, слезѣми покаянїя орошающая  
нас благодѣтно.

**Р**ѣдуйся, молитвѣ сердечней научающая;

**Р**ѣдуйся, подвигу поста вспомошество-  
ющая.

**Р**ѣдуйся, грехѡвныя помыслы властно от-  
гоняющая;

**Р**ѣдуйся, братолюбіем тѣмную злобу по-  
беждать повелевающая.

**Р**ѣдуйся, Владычице, иконой Твоею Дон-  
скою в напѣстех нам помогающая.

### **Кондак 9**

**В**сех немощных крѣпосте, печальных  
утешенїе, страждущих посещенїе, вѣр-  
ных дерзновенїе Ты еси, Пречїстая Вла-

дычице Богородице; всех притекающих  
под сень Креста Господня ко спасению  
приводиши, да последуют Икупителю  
Богу, поюще песнь: **Аллилуия.**

### **Икос 9**

**В**итии многовещанныи не могут исчезти,  
Человеколюбивая Мати, бездну щедрот  
Твоих, на злостраждущия и беспомощ-  
ныя изливаемых. И мы, сладость утешения  
в нуждах познавше, благословляем Тя с  
верою и чествуем с любовью, моления  
возносяще пред образом Твоим сицевая:

**Р**адуйся, безмолвие дивное в скорбех зем-  
ных показавшая;

**Р**адуйся, скорбящих и плачущих отрадо  
и утешение.

**Р**адуйся, болящих милосердая Целитель-  
нице;

**Р**адуйся, долгонедужных сладости рай-  
ския тайное приобщение.

**Р**адуйся, страждущих любовью ближних  
окружающая;

**Р**áдуйся, вдов и сирóт незр́имая Питáтельница.

**Р**áдуйся, я́ко па́че жéмчуга слезáми рáдости ико́на Тво́я украша́ется;

**Р**áдуйся, О́течеству на́шему победы обильны́я да́рующая.

**Р**áдуйся, Влады́чице, ико́ною Тво́ею Донско́ю в на́пáстех нам помога́ющая.

### **Конда́к 10**

**С**пасти́ хотя́ мир, Сын Бо́жий из Тебе́, Де́во, плóтию облече́ся, и благода́тию Его́ па́дшее естество́ челове́ческое, грехо́м осквернённое, очище́ние и спасе́ние прие́млет. Дивное Бо́жие смотре́ние о нас Тобо́ю, Де́во, соде́йствием Свята́го Ду́ха исполня́ется, я́ко Ты еси́ вои́стину поги́бших взыска́ние и нераска́янных гре́шников к пока́нию те́плому увещáние и, Тобо́ю от отча́яния грехо́внаго избавля́еми, дерза́ем с весе́лием пе́ти Искупи́телю Бо́гу: **Аллилу́ия.**



## Икос 10

**С**тенá есѣ несокрушѣмая Цѣркве Хрис-  
тóвы, Всенепорóчная Дѣво, вѣрныя бо во  
искушѣніихъ укрѣплѣеши и мѣромъ и лю-  
бóвию ограждаеши. Сегó рáди и въздыхáния  
молѣтвенная не умолкаютъ зовущихъ Ти:

**Рá**дуйся, от купѣли Крещѣнія Благáя Вос-  
приѣмнице;

**Рá**дуйся, супруговъ благословѣнною лю-  
бóвию венчáние.

**Рá**дуйся, мáтеремъ многотруднымъ из-  
рядная Помóщнице;

**Рá**дуйся, чадъ непокорѣвыхъ твѣрдая На-  
стáвнице.

**Рá**дуйся, в сирóтствѣ дѣвное утѣшѣние;

**Рá**дуйся, враждующихъ нечáемое прими-  
рѣние.

**Рá**дуйся, беззакóннующихъ свѣтомъ прав-  
ды обличáющая;

**Рá**дуйся, грехѣи нáша в мóри милосѣрдия  
растворяющая.

**Рá**дуйся, Владѣчице, икóною Твоѣю Дон-  
скóю в напáстехъ намъ помогающая.

## Конда́к 11

**П**ение всеуми́ленное прино́сим Ти, вме-  
сти́вшей Ипоста́сное Сло́во Бо́жие. А́гнец  
Бо́жий сый, взема́й грех ми́ра, Той зака-  
ла́ется, е́же да́тися во вкуше́ние ве́рным.  
Сподо́би же нас, Ма́ти Бо́жия, досто́йно  
причаща́тися Пречи́стых Те́ла и Кро́ве Его́,  
да, спасе́ние улучи́вше, воспоём Жизно-  
да́вцу Бо́гу: **Аллилу́ия.**

## И́кос 11

**Д**щи Отца́ Небе́снаго, Ма́ти Сы́на Бо́жия,  
Неве́сто Ду́ха Свята́го, неисчерпа́емое  
мо́ре даро́в Божество́нных Ты еси́, Всесвя-  
тая Де́во. Умоли́ Человеколю́бца Го́спода  
откры́ти нам исто́чник всеоживля́ющия  
блага́ти, да очище́нным се́рдцем по-  
тщи́мся возрасти́ти пло́ды Ду́ха, в ра́дости  
и весе́лии зову́ще Ти:

**Р**а́дуйся, пло́дов Ду́ха Свята́го всеце́лое  
стяжа́ние;

**Р**а́дуйся, ра́достью духо́вною насыще́ние  
пречу́дное.

**Р**áдуйся, міра непоколебімага даро-  
ваніе благонадéжное;

**Р**áдуйся, благасти любвеобильныя ис-  
полнénіе.

**Р**áдуйся, милосérдія о Христé насаж-  
дénіе неувядаемое;

**Р**áдуйся, вѣры живыя утверждénіе несо-  
крушймое.

**Р**áдуйся, крótости незлóbивыя На-  
стáвнице несравнénная;

**Р**áдуйся, спасénія нáшего средостénіе  
вражды разрушívшая.

**Р**áдуйся, Владычице, ико́ною Твое́ю  
Донско́ю в напáстех нам помога́ющая.

### **Конда́к 12**

**Б**лагода́тную по́мощь мно́гажды явля́ла  
еси́, Цари́це Небе́сная, чрез чудотво́рный  
о́браз Твой Донскій, егда́ смерть вско́ре  
предстоя́ше лю́дем. Сего́ ра́ди на обратней  
стране́ ико́ны сея́ дрéвняя изображе́но есть  
и всечестно́е Успéние Твое́, да всяк, подви-  
за́ющийся во сла́ву Бо́га и на блага́ бли́ж-

няго, не убойтсѧ смѣрти, но, взираѧ, како Твоя душа приѣмлетсѧ в рѹце Бѹга Живаго, с надеждою предаѣтъ себѣ в час смѣртный Судий всех Бѹгу, вопия Емѹ: **Аллилѹія.**

## **Їкос 12**

**Поюще** Тя, в моли́твах неусыпа́ющую Богоро́дицу, Святе́й Тро́ице предстоящую, вопие́м Ти: пробуди́ нас свѣтом живонѹснаго Успѣния Твоего́ от смертоно́снаго сна нераде́ния о спасѣнии ду́ш и испроси́ нам с Го́сподом поми́ре́ния. Егда́ же приспе́ет жа́тва смѣртная жити́ю на́шему, огради́ нас всеси́льным предста́тельством Твои́м от духо́в зло́бы, да, Тобо́ю води́ми, дости́гнем Ца́рствія Небе́снаго, иде́же незаходи́мое Со́лнце Пра́вды невече́рний Свет Сла́вы Бо́жественныя излива́ет. О Всесвята́я Де́во, от Херуви́м воспева́емая, приими́ от нас, недостѹйных, похвалы́ сия́:

**Ра́дуйся,** Обра́дованная, во Успѣнии Твоѣм нас не оставля́ющая;



**Р**áдуйся, Мáти Всепéтая, одеснúю Бóга  
предстоящáя.

**Р**áдуйся, гóрняго мíра боголéпная кра-  
сотó;

**Р**áдуйся, клáдезю богомы́слия неисчер-  
па́емый.

**Р**áдуйся, любвé Божéственныя светíль-  
ниче неугасаемый;

**Р**áдуйся, грехóвных уз скóрая Решíтель-  
нице.

**Р**áдуйся, возду́шных мыта́рств про-  
хожде́ние неоску́дное;

**Р**áдуйся, Бла́гая Врата́рнице, двéри рай-  
ския вёрным отверза́ющая.

**Р**áдуйся, Влады́чице, ико́ною Твоёю  
Донско́ю в напáстех нам помога́ющая.

### **Конда́к 13**

**О** Всеми́лостивая Влады́чице Богоро́ди-  
це, Росси́йския страны́ дивная Засту́пнице,  
оби́димых прибе́жище, грéшных спасéние!  
Оте́чество на́ше от враг защити́, вселénную  
всю мíром благослови́, ве́ру правосла́вную

укрепѣ, скорби и крест со упованіем понести помози, в любви и согласии всех нас соблюди и в радость Господа вни́ти сподоби поющих Ему: **Аллилу́ия.**

Этот конда́к читается трижды.

Затем ѵ́кос 1-й:

«Арха́нгела благове́стие слы́шавши...»

и конда́к 1-й: «Взбра́нной Воево́де...»

### **Моли́тва пе́рвая**

**О** Пресвята́я Влады́чице, Де́во Бого-ро́дице, Засту́пнице на́ша Блага́я и ско́рая! Воспева́ем Ти вси благода́рственная за чу́дная дела́ Тво́я. Песносло́вим от лет дре́вних неотъе́млемое заступле́ние Тво́е гра́ду Москвѣ и странѣ на́шей, чудотво́рным о́бразом Тво́им Донски́м всегда́ явля́емое: в бе́гство обраща́ются полки́ чужди́х, гра́ды и ве́си невреди́ми сохра́няются, лю́дие же от лю́тыя сме́рти избавля́ются; осуша́ют—

ся о́чи слезя́щая, умолка́ют стена́ния ве́рных, плач в ра́дость о́бщую претворя́ется.

**Бу́ди** и нам, Пречи́стая Богоро́дице, утеше́ние в бе́дствиих, возрожде́ние наде́жды, о́браз му́жества, исто́чник ми́лости и в ско́рбных обстоя́ниих неисто́щимое терпе́ние нам да́руй. Пода́ждь коему́ждо по проше́нию и нужде́ его́: младе́нцы воспита́й, ю́ныя уцелому́дри и стра́ху Бо́жью научи́, уныва́ющия ободрí и немощну́ю ста́рость поддержи́. Посети́ в боле́знях и печа́лех сущия́, злы́я сердца́ умягчи́, братолю́бие укрепí, ми́ра и любви́ всех нас испо́лни. Примири́, Благосе́рдая Ма́ти, вражду́ющия и оправда́й оклеветанны́я, истреби́ поро́ки, да не восхо́дят грехи́ на́ша пред Судие́ю всяческих, да не пости́гнет нас пра́ведный гнев Бо́жий.

**Твои́ми** моли́твами, всемо́щным Твои́м покрóвом оградí нас от нашестви́й вра́жиих, от гла́да, губи́тельства, огня́, ме́ча и всякаго ина́го злострада́ния. Упова́ем моли́твами Твои́ми получи́ти от Всевы́ш-

няго Бóга грехóв прощéние и изглаждéние и с Бóгом примирéние. Умоlí стяжáти нам Цáрствие Небéсное и по скончáнии жízни нáшей одеснóю Престо́ла Бóжия стáти, идéже Ты, о Всепéтая Дéво, Святе́й Трóице в вéчной слáве предсто́иши. Удостóй и нас с л́ики А́нгелов и святы́х та́мо восхва́лити пречестно́е я́мя Сы́на Твоего́ со Безнача́льным Его́ Отце́м и Всесвяты́м и Благи́м и Животворящим Его́ Ду́хом во вéки веко́в. Ами́нь.

### **Мо́литва вто́рая**

**К** кому́ возопи́ю, Влады́чице, к кому́ прибегну́ в го́рести моéй, áще не к Тебе́, Цари́це Небéсная? Кто плач мой и воздыхáние моё при́имет, áще не Ты, Пренепоро́чная, наде́ждо христиáн и прибéжище нам, грéшным? Кто пáче Тебе́ в напáстех защити́т? Услы́ши у́бо стенáние моё, и приклони́ у́хо Твое́ мне, Влады́чице Мáти Бóга моего́, и не прéзри мя, трéбующаго Твоея́ по́мощи, и не отри́ни менé, грéшнаго. Вразуми́



и научи́ мя, Цари́це Небе́сная, не отступи́ от мене́, раба́ Твоего́, Влады́чице, за ропта́ние моё, бу́ди мне Ма́ти и Покрови́тельница.

**В**руча́ю себѣ ми́лостивому покрóву Твоему́. Приведи́ мя, грѣшнаго, к ти́хой и безмяте́жней жи́зни, да пла́чуся о гресѣх мо́их. Увы́ мне, к кому́ прибѣгну, повинны́й аз, а́ще не к Тебе́, упова́нию и прибѣжищу грѣшных, в наде́жде на неизрече́нную ми́лость Твою́ и щедро́ты? Ко́е ли сло́во за преступле́ния моя́ изрещи́ возмогу́ к вели́честву сла́вы Твоея́? О, Влады́чице, Цари́це Небе́сная, Ты мне Ма́ти и наде́жда, Ты мне упова́ние и прибѣжище, покрóв, заступле́ние и по́мощь.

**Ц**ари́це моя Преблага́я и прескóрая Засту́пнице! Покрый́ Твои́м ходата́йством моя́ прегрѣше́ния, защити́ мене́ от врагъ ви́димых и неви́димых, умягчи́ сердца́ злыхъ челове́к, востаю́щих на мя. О Ма́ти Го́спода моего́ Творца́, Ты еси́ ко́рень де́вства и неувяда́емый цвѣтъ чистоты́. О Бо-

городительнице, Ты подаждь ми по́мощь, немощствующему плотскѣми страстьми и болѣзнующему сѣрдцем; еди́но бо Твое́, и с Тобо́ю Твоего́ Сы́на и Бо́га на́шего ѿмам заступле́ние, и Твоѣм пречу́дным заступле́нием да оправда́н бу́ду и да изба́влюсь от вся́кия беды́ и напа́сти всесѣ́льными Твоѣми моли́твами, Всечѣ́стая, и Непоро́чная, и Пресла́вная Бо́жия Ма́ти Мари́е. Те́мже со упова́нием глаго́лю и вопи́ю: Ра́дуйся, Благода́тная, ра́дуйся, Обра́дованная, ра́дуйся, Преблагослове́нная, Госпо́дь с Тобо́ю.



## ДОНСКАЯ ИКОНА БОЖИЕЙ МАТЕРИ

1 сентября — особый праздник — день памяти Донской иконы Божией Матери. В честь этого образа и победы, которую одержали наши предки на московской земле, отражая нашествие крымских татар в 1591 году, был заложен монастырь. Он основан на том самом месте, где в лагере русского ополчения в походной Сергиевой церкви стоял Донской образ Божией Матери.

Эта икона, по преданию, 8 сентября 1380 года, в день Куликовской битвы (на праздник Рождества Пресвятой Богородицы) вдохновляла русских воинов на победу, находясь среди войска. После победоносного сражения она была преподнесена в дар воеводе князю Димитрию, названному затем Донским. Князь также нарек икону Донской и перевез ее в Успенский собор в Коломне. Позже выполненная по заказу

вдовы Димитрия Донского в память о победах Великого князя Донская икона Божией Матери была размещена в Благовещенском соборе Кремля, а ныне хранится в Государственной Третьяковской галерее. Автором первообраза Донской иконы Пресвятой Божией Матери, которой молился в канун сражения с крымскими татарами за Москву царь Феодор Иоаннович, считается преподобный Феофан Грек (1393 г.).

Чудесное покровительство Божией Матери и ее заступничество русским людям неоднократно проявлялось и более поздние времена — во время казанского похода Ивана Грозного в 1574 году, отражения наступлений крымских татар в 1646, 1647 и 1648 годах, затем при взятии Петром I Нарвы, совершившемся в 1704 году. Князь Василий Васильевич Голицын, отправляясь в поход на Крым 7 мая 1686 года, также взял с собой чудотворную Донскую икону. По возвращении в Донском монастыре ее встречали государи Иоанн, Петр и царев-



на Софья. Связь Донского образа Божией Матери с историческими событиями не утрачивается ни в XIX, ни в XX столетиях. Под покровом святой иконы завершил свой жизненный подвиг одиннадцатый Патриарх Московский и всея Руси Тихон, погребенный в Донском монастыре в день праздника Благовещения Пресвятой Богородицы.

И поныне одной из главных святынь монастыря является Донская икона Божией Матери «древнейшего московского письма» XVI века, установленная в Большом соборе обители в местном ряду иконостаса. Это тот образ, с которым совершались крестные ходы в XX столетии. По сложившейся же традиции каждый год 1 сентября в монастырь из Третьяковской галереи доставляется первообраз Донской иконы, где перед древними святынями в течение суток непрерывно совершаются богослужения.

# СЛУЖБА И ЯКЯФИСТ

## Пресвятой Богородице в честь иконы Ея Донския



Учреждение культуры, искусства,  
науки и образования «Духовное преображение»

Редактор, корректор Т.М. Тусина  
Макет и художественное оформление  
Т.Д. Гречишкина, О.В. Ефимовских  
Верстка Т.Д. Гречишкина

Книжная торговля издательств  
УКИНО «Духовное преображение»  
[www.kniga-pravoslav.ru](http://www.kniga-pravoslav.ru)  
телефон: 8(499) 558-02-03

Формат 70x100/16. Объём 4 п.л.  
Тир. 5000 экз.  
Заказ № 1201960 2012 г.

**arvato**  
япк

Отпечатано в полном соответствии с качеством  
предоставленного электронного оригинал-макета  
в ОАО «Ярославский полиграфкомбинат»  
150049, Ярославль, ул. Свободы, 97



**С** особой торжественностью отмечаются в Донском монастыре дни, когда празднуется память святейшего Тихона, Патриарха Московского и всея Руси — 7 апреля (преставление) и 9 октября (прославление), и День Донской иконы Божией Матери (1 сентября), являющийся теперь и главным праздником российского казачества.

#### **Все богослужения в Донском монастыре**

##### **В седмичные дни**

**7:00** Полунощница

**7:40** Часы III и VI. Литургия.

По окончании Литургии — лития об усопших

**9:30** Молебен с Акафистом свт. Тихону и водосвятием

**16:40** Вечернее богослужение

По средам в 17:00 совершается всенощное бдение с акафистом Донской иконе Божией Матери.

##### **В субботу**

**7:00** Полунощница

**7:40** Часы III и VI. Литургия. По окончании

Литургии — лития о усопших

**9:30** Молебен с Акафистом свт. Тихону и водосвятием

**10:00** Часы III и VI, поздняя Литургия

**17:00** Всенощное бдение

##### **В воскресные дни**

**6:40** Часы III и VI, ранняя Литургия

**8:40** Часы III и VI, средняя Литургия. По окончании — водосвятный молебен с акафистом свт. Тихону.

**9:40** Часы III и VI, поздняя Литургия.

По окончании — лития о усопших

**17:00** Всенощное бдение